



Na temelju člana 69. Stav (2) tačka a), člana 70. st., 4. i 6. Zakona o javnim nabavkama Bosne i Hercegovine („ Službeni glasnik BiH“, broj: 39/14), član 22. tačka b) Pravilnika o Javnim nabavkama Fonda memorijala, broj:13-01-02-95/ od 06.04.2015.godine, na preporuku Komisije za javnu nabavku broj: 13-49-180/17 od 17.05.2017.godine, u postupku javne nabavke „Sanacija mjesta masovnog stradanja građana Sarajeva – Sarajevska ruža“, direktor donosi,

ODLUKU

o poništenju postupka javne nabavke

Član 1.

Poništava se postupak javne nabavke „**Sanacija mjesta masovnog stradanja građana Sarajeva – Sarajevska ruža**“, iz razloga što je cijena prihvatljive ponude znatno veća od osiguranih sredstava za predmetnu nabavku (član 69. Stav (2) tačka e) Zakona).

Član 2.

Za izvršenje ove odluke zadužuje se i ovlašćuje Komisija za JNB i Sektor za tehničke poslove.

Član 3.

Ova odluka objavit će se na web-stranici Fonda memorijala, u skladu sa članom 70. stav (6) Zakona.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je odlukom o pokretanju postupka javne nabavke broj: 13-14-02-180/17 od 20.04.2017.godine.

Javna nabavka je provedena putem direktnog sporazuma.

Procijenjena vrijednost nabavke bez PDV-a je 5.920,00KM.

Komisija za javne nabavke imenovana je Riješenjem broj: 13-01-02-18/17 od 11.01.2017.godine dostavila je dana 08.05.2017.godine Zapisnik o pregledu i ocjeni ponuda broj: 13-49-180/17 i preporuku o poništenju javne nabavke u postupku javne nabavke „**Sanacija mjesta masovnog stradanja građana Sarajeva – Sarajevska ruža**“.

U postupku po izvještaju o radu je utvrđeno da je Komisija za javnu nabavku blagovremeno i pravilno sačinila odgovarajući zapisnik u kojem je utvrđeno da je cijena prihvatljive ponude znatno veća od osiguranih sredstava za predmetnu nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom, podzakonskim aktima, internim aktima i tenderskim dokumentom.

Naime, u postupku predmetne nabavke nesumnjivo je utvrđeno da je cijena prihvatljive ponude znatno veća od osiguranih sredstava za predmetnu nabavku, čime su se stekli zakonski uvjeti za poništenje postupka javne nabavke.

Iz navedenih razloga, primjenom člana 69. Stav (2) tačka e) Zakona o javnim nabavkama BiH, odlučeno je kao u članu 1. Ove odluke.

POUKA O PRAVNOM LIJEKU:

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučeno poštanskom pošiljkom na adresu: Fond memorijala KS, Širokac 22, Sarajevo.

Žalba se podnosi u najmanje 3(tri) primjerka.

v.d.DIREKTOR

Suad Zijadić, prof.

